

VERJAARSDAE : 3—10 OKTOBER 2009

10/04	JAUNDRÉ	SWIEGELAAR	RIEBEECK WS 10	Blok 1
10/04	JEANETTE	VAN STADEN	MOLTENOWEG 8	Blok 2
10/05	ANNEKE	NAUDÉ	RIEBEECK WS 8	Blok 1
10/06	CARLA	KOCK	HANS STRIJDOMLN 204A	Blok 1
10/06	ALIZA	ROOS	KRUGERLN 102	Blok 3
10/06	ELIZE	DE BEER	KRUGERLN 218	Blok 2
10/07	TINA	HAYWOOD	VAN RIEBEECKLN 136	Blok 3
10/08	TOKKIE	BOTHA	VAN RIEBEECKLN 204	Blok 2
10/09	REZEL	LINSTRÖM	SELBORNELN 271	Blok 4
10/09	HENCO	NEL	HANS STRIJDOMLN 182	Blok 2
10/10	GERHARD	HOUGH	DF MALANLN 203A	Blok 2
10/10	DOLLY	PIENAAR	TULIP PARK 29	Blok 4
10/10	NELL	MARX	VAN RIEBEECKLN 215	Blok 2

SPEZIALE GELUKWENSE

Hartlik geluk aan tannie Nell Marx, Van Riebeeckln 215 met die herdenking van haar 89ste verjaarsdag Saterdag 10 Oktober. Mag u baie geluk en vreugde in die nuwe lewensjaar ervaar en God u seën met die keur van sy seëninge.

HUWELIKHERDENKINGS 4 TOT 10 OKTOBER 2009

SONDAG 4 OKTOBER

JACQUES EN BELINDA MARTINS	KRUGERLN 112	Blok 3
CHARLES EN IZANNE LINSTRÖM	SELBORNELN 271	Blok 4

MAANDAG, 5 OKTOBER

PHILIP EN ISABEL VAN ROOYEN	8 MT CROSSON CLOSE	Blok 4
-----------------------------	--------------------	--------

ATTESTAAT ONTVANG

Vanaf Paardekraal-Monument

Belydende lidmaat:

Michan Niel van der Merwe

Michan woon in Smutsln 288.

Hartlik welkom by Lyttelton-Oos.

Ons hoop jy sal baie gelukkig by ons wees en aktiwiteite vind in die gemeente waarby jy kan inskakel.


יח

Dr Liandi Fourie

*MBChB(Pret)
Algemene Praktisyn*

Ons passie is
volhoubare gesondheid
dmv 'n natuurlike benadering,
lewenstylbeplanning
en natuurlike produkte.

**Chris Hougaardstraat 324
Wierdapark
012-6530564**



Ned Geref Gemeente Lyttelton-Oos

FAMILIENUUS

Sondag, 4 Oktober 2009

Hartlik welkom in die erediens vanoggend

Webtuiste: www.lytteltonoos.org.za

SONDAG, 4 OKTOBER

Deurkollekte Noodlenigingsfonds

09:00 Erediens: Ds Odie Odendaal

MAANDAG, 5 OKTOBER

Skole heropen

19:00 Bedieningspan byeenkoms

DINSDAG, 6 OKTOBER

09:00: Sustersbiduur/Bybelstudie

WOENSDAG, 7 OKTOBER

17:00 Biduur

DONDERDAG, 8 OKTOBER

09:00 Bybelstudie Senior Lidmate

19:00 Ouderlinge vergadering

VRYDAG, 9 OKTOBER—SONDAG, 11 OKTOBER

Gemeentekamp—sien bladsy 2

SONDAG, 11 OKTOBER

Kommissieverslae inhandig
Sinodesitting

09:00 Erediens:

09:00 Geen kindererediens as gevolg van die Gemeentekamp

18:00 Aanddiens:

18:45 Kategese / Ouers kuier saam

19:30 Gesinne kuier / speel saam

MAANDAG, 12 OKTOBER

Sinodesitting

DINSDAG, 13 OKTOBER

Sinodesitting

09:00 Sustersbiduur/Bybelstudie

WOENSDAG, 14 OKTOBER

17:00 Biduur

19:00 Bedryfspanvergadering
Inbetaling Diakonie

DONDERDAG, 15 OKTOBER

09:00 Bybelstudie Senior Lidmate

VRYDAG, 16 OKTOBER

18:00-22:00 Jeug: OppiKoffie

NUWE INTREKKERS

Ons wil julle graag so gou moontlik tuis laat voel en deel maak van ons geloofsgesin! Bly gerus na die diens agter dan ontmoet ons mekaar voor die kansel. Julle kan ook ds Freddie Schoeman (084 581 8139) of Max Amsenga (012 664 3629) skakel.

VOORBIDDING

1. Johan en Elize de Beer, Krugerlaan 218, met Johan wat nou in Universitashospitaal in Bloemfontein opgeneem is (Blok 2).
2. Dries en Ruba van der Merwe, Van Riebeeckln 149 met Dries wat hierdie week in die hospitaal opgeneem is (Blok 3)
3. Frieda Collins, Stormstr 259b wat 'n knieoperasie ondergaan het en tuis herstel (Blok 4)
4. Willie en Theresa Smith, Hans Strijdomln 235 met Theresa wat tuis aansterk (Blok 1).
5. Shereen en Adam Barnard, Witelstr 1 met Shereen se pa wat in die hospitaal was. Ons dank die Here vir goeie beterskap (Blok 4).
6. Ons dink in besonder aan Gustav en Heleen Venter, Bettystr 379 met Gustav wat rekonstruksie-prosedure ondergaan het na die kaping (Blok 1).
7. Adolf Crafford, Hans Strijdomln 182 wat nog steeds wag op 'n skenker vir 'n nieroorplanting. (Blok 2). Ons vra voorbidding vir die hele gesin.

GEMEENTEKAMP!

Ons gaan saamkamp en kuier:
Naweek van 9-11 Oktober



Waar: Wally Haywood se plaas anderkant Roodeplaat dam

Akkomodasie:



matrasse)
Swembad

2 Chalets
5 Woonwa staanplekke (met krag)
Tente: onbeperk sonder krag
Kamers: 3 (3-4 dubbelbeddens)

Kinders: groot
"loft" (bring eie



Koste: R200 per persoon vir hele naweek (kinders onder 18 gratis)



Bring eie kos / stoele / drinkgoed en eetgerei

En as ek nie die hele naweek kan maak nie? Wel, kom dan net deur vir die Saterdag en kom kuier saam.

Om te bespreek of meer inligting te bekom, skakel ds Freddie Schoeman (012) 664-3751 / selfoon: 084 581 8139. U kan hom ook op sy e-pos kontak - fredschoeman@mweb.co.za

RUSOORD : FONDSINSAMELING

Modeparade : Saterdag, 17 Oktober 2009

Plek: Kerksaal Lyttelton-Noord
Tyd: 09:30
Kaartjies: R80.00 per persoon
Kontakpersone: Matrone Labuschagne/Histia
Tel: (012) 664 5835

Indien u nie self die modeparade kan bywoon nie, wil u nie 'n inwoner van Rusoord borg om die geleentheid by te woon nie?

Baie dankie vir ondersteuning en 'n oophart vir Rusoord se saak.

LIEWE OUERS VAN ONSE SENIOR JEUG : GR 7—12

Ons wil **ASSEBLIEF** 'n vergade-ring met u reël vir Sondagand - direk na aanddiens - op die 18de Oktober 2009. Dit is regtig belangrik dat u daar sal wees.

Ons het 'n paar belangrike punte wat ons onder u aandag wil bring en bespreek en ons het elkeen se inset te nodig hierin.

Ons sien uit daarna om u daar te sien.

Groete

Madelaine Steyn
Sel: 082 354 2455

**BOOMSLOPING
EN SNOEI VAN BOME
EN STRUIKE
KONTAK: ERNST
083 656 4992**



GEBEDSNETWERK

Kom ons begin mekaar as geloofsgesin daadwerklik te ondersteun deur deel te word van 'n gebedsnetwerk.

HOE WERK DIT?

Jy neem verantwoordelikheid vir twee / drie gesinne. Dis jou verantwoordelikheid om hierdie gesinne gereeld te kontak en te verneem waarvoor voorbidding gedoen kan word. Daar moet elke dag vir die gesinne gebid word.

Jy is óók deel van iemand ander se verantwoordelikheid. Iemand anders kontak jou en jou gesin gereeld en doen vir julle voorbidding.

Vertroulikheid word ten alle tye gehandhaaf. Geen inligting mag sonder toestemming verder gekommunikeer word nie.

So bemoedig en versterk ons mekaar se geloof.

Ek bedoel dat, as ek by julle is, ons deur mekaar se geloof bemoedig kan word, ek deur julle s'n en julle deur myne. (Romeine 1:12)

HOE WORD EK DEEL?

Indien jy op die gemeente se sms-databasis is, sal jy van-oggend 'n sms ontvang. Reageer deur te "reply": "Opsie 1" of "Opsie 2" of "Opsie 1 en 2". (Indien jy nie 'n sms ontvang nie of nie deel van die databasis is nie, stuur 'n sms aan 084 581 8139.) Indien jy reeds gereageer het, ignoreer asb. die sms.

Opsie 1 beteken: Ja, ek wil graag hê dat iemand my gereeld kontak en vir my bid.

Opsie 2 beteken: Ja, wil / is bereid om twee of drie gesinne gereeld te kontak en vir hulle te bid.

KOM BID SAAM!



Sondagoggende vanaf 08:00 in bo-kamer
Ons bid vir:

- ♦ die erediens
- ♦ ons gemeente
- ♦ spesiale versoeke (terugvoerkaarte)

Kom berei jouself geestelik voor vir die erediens
Kom wanneer jy kan, bly solank jy wil, gaan
wanneer jy moet ...

Wanneer gelowiges bid sidder die duiwel

GEBEDSBRIEF : SONDAG 4 OKTOBER 2009



Liewe Gemeente

Dit is duidelik uit Efesiërs 6:18 dat ons by elke geleentheid vir alle gelowiges/heiliges moet bid. Ons moet bid dat hulle geestelik sal groei vir kennis en insig, vir fyn aanvoeling, vir 'n lewende geloof, dat hulle staande sal bly en dat hulle kragtige getuies vir Christus sal wees, vol van die Heilige Gees en waarheid.

Lees 2 Tessalonisense 3:1-2. In die afgelope 2000 jaar het die evangelie slegs die helfte van die wêreldbevolking bereik. (Dit beteken nie dat die helfte van die wêreldbevolking gered is nie). In 1994 was daar nog 6000 onbereikte groepe in die wêreld. Teen die temp waarteen die evangelie tans deur die wêreld bekend gemaak word, sal dit letterlik nog honderde jare neem voordat almal dit gehoor het. Die evangelie moet eenvoudig vinniger versprei. Mense moet die geleentheid kry om te hoor dat daar iemand is wat reeds 2000 jaar gelede die prys vir hulle verlossing betaal het.

Paulus sê daar moet voorbidding gedoen word vir konings, owerhede en alle hooggeplaastes, sodat ons 'n rustige en stil lewe kan lei en die evangelie kan verkondig (1Tim 2:1-2). Staatshoofde is juis die mense wat 'n geweldige invloed uitoefen op die verspreiding van die evangelie. Ons moet bid vir almal wat in 'n hoë posisie is. Paulus sê in 1 Tim 2:34 baie duidelik waarom - sodat mense tot kennis van die waarheid kan kom en sodat ons 'n rustige stil lewe kan lei. Bid vir die politici en munisipale amptenare dat die Here hulle denke en besluitneming sal oorheers asook vir staatsamptenare in uitvoerende posisies. Bid vir hulle redding.

"In die eerste plek vermaan ek dan dat smekinge, gebede, voorbedes, danksegginge gedoen moet word vir alle mense; vir konings en almal wat hooggeplaas is, sodat ons 'n rustige en stil lewe kan lei in alle godsvrug en waardigheid." (1Tim 2:1-2).

Kom ons neem die volgende week om spesifiek vir hierdie saak te bid. Veral in ons land is dit van uiterste belang dat daar vir ons owerhede gebid moet word. Dat hulle denke verander sal word; hulle gered sal word; God se Gees deur hulle sal werk om ons mooi land behoue te laat bly; dat besluite volgens God se wil gedoen sal word. Bid ook ernstig vir die verspreiding van die evangelie sodat elkeen wat nog nie die evangelie gehoor het nie, dat dit by hulle sal uitkom. En natuurlik is dit ook ons verantwoordelikheid om elke dag die evangelie te versprei. Let bietjie op hierdie week hoeveel keer jy oor Jesus praat.

Groete

Gebedspan

DANKOFFER PER INTERNET



Lidmate is welkom om hulle maandelikse dankoffer / gelooffer per internet oor te plaas.

Die gemeente se rekeningbesonderhede is as volg:

ABSA Lyttelton / Takkode: 335 045

Gemeentefonds (vir dankoffers) 600 580 159

Gelooffer: 4050 438 756

Jy kan ook ons webtuiste besoek by www.lytteltonoos.org.za en op die GivenGain ikoon klik om dankofferoordrag te vergemaklik

Daar is ook eDebietordervorms in die konsistorie beskikbaar—kom vra vir een na die diens of skakel Sexta Maree by 0126644458 Maandae of Woensdae of op haar sel 0724344670 of vra een aan by ngk@lytteltonoos.org.za.

VAKANSIE BY MARLOTHPARK ...



Geniet 'n heerlike vakansie terwyl die Parknaval met die netto opbrengs begunstig word.

Geleë teen die Krokodilrivier tussen Malelane en Komatipoort +- 90 km vanaf beide Maputu en Swaziland.

3 x Dubbelbed en suite kamers; 1x Bo vertrek (Loft) met 4 enkel beddens; totaal 10 persone. Tarief: R200 Volwassenes R150 Kinders 6-18 jr per persoon per dag

Vir besprekings kontak Heinz Meissner : Tel 012 664 3759 / Sel 082 806 8530

e-pos heinzmeissner@vodamail.co.za

Alpha

'n Geleentheid om die betekenis van die lewe te ontdek

19 Januarie 2010—23 Maart 2010

Elke Dinsdagaand om 18:30—21:00

Kom vra jou vrae

Kom verken die terrein van die geloof

Kom deel in die saamwees

Dui jou belangstelling op 'n terugvoervorm aan of skryf in op ons webblad by

<http://www.lytteltonoos.org.za/inligting/alpha.htm>

LYTTELTON DIENSSENTRUM

Potgieterstraat Lyttelton

SIMPOSIUM

LEER MEER OOR BEROERTE

9 Oktober 2009 : 08:00—12:30

Van die onderwerpe is:

- ◆ Mediese perspektief op beroerte: Dr Wiebren Duim (Neuroloog)
- ◆ Rehabilitasiemoontlikhede: Nicola Naudé (Fisioterapeut)
Nicky Adams (Arbeidsterapeut)
Megan Barnes (Spraaakterapeut)

Registrasie fooi: R35.00 per persoon

RUSOORD : LENTEMARK—FONDSINSAMELING

31 Oktober 2009 (van 08:00 -12:00)

Die fondse word gebruik om verswakke bejaardes te help wat nie finansiële instaat is om die volle versorgingskoste te betaal nie.

Ons benodig nog die volgende:

- ◆ Items vir die witolifanttafel. Dis die ideale tyd om stoorkamers, wendyhuise, gangkaste en motorhuise leeg te maak en alles wat u nie nodig het of gebruik nie, vir ons te bring.
- ◆ Koeke en gebak vir ons koektafel.
- ◆ Ons benodig ook tuinmeubels vir 'n nuwe tuin wat ons vir die alzheimer-pasiënte wil inruim.

ROMMELVERKOPING VIR BYBELVERSPREIDING

Die Getuienisaksie se volgende rommelverkoop vir verspreiding van Bybels vind plaas op **DINSDAG 3 NOVEMBER** vanaf 06:30. U kan nou reeds u kaste nagaan en wat nie meer vir u van nut is nie, sal vir iemand anders nog handig te pas kom.

Ria Maree, Fitzpatrickweg 21 (664-3364) en Dries van der Merwe, Van Riebeeckln 149 (664-2469) ontvang graag hierdie artikels.

Hou asseblief Maandag 2 November oop en kom help ons om die artikels te merk in die Gemeentesentrum vanaf 09:00.



!! OESFEES !!

Op 25 Oktober na die erediens hou ons oesfees!

Alle gemeentede word uitgenooi na 'n gratis potjiekos-ete—bring slegs jou eie sitgoed, eetgerei, drinkgoed en tafeldoek—die res word voorsien.

Dis die kerkraad se manier om dankie te sê vir almal se getroue ondersteuning van die werk van die Here die afgelope jaar.

Dankie vir jou tyd, moeite en energie wat jy ingesit het om op vele terreine te help en hand te gee. Dankie vir jou kreatiwiteit, idees en voorstelle. Dankie vir jou entoesiasme, positiewe ingesteldheid en goedgesindheid. Dit het die gemeente in staat gestel om in baie mense se lewens in te bou en 'n verskil te maak.

TIENDEMAAND

Oktober is dankie-sê maand!

Nie net wil die kerkraad vir die gemeente dankie-sê vir die werk die afgelope jaar deur 'n gratis potjiekosete nie, maar ons wil ook vir elke lidmaat geleentheid gee om vir die Here dankie te sê vir sy liefde en trou wat Hy elke dag aan ons bewys.

Almal sal 'n koevert gedurende die volgende week of twee ontvang. 'n Brief en 'n kleiner koevert sal daarby ingesluit wees. Plaas jou tiendemaand bydrae in die kleiner koevert bring dit saam met jou na die erediens enige Sondag gedurende Oktober.

Ons wil graag volgende jaar groot projekte, veral rondom ons kinders, aanpak. Genoeg hulpbronne in terme van finansies en toerusting is hiervoor nodig. Die gemeente se ondersteuning hiervoor is onontbeerlik en elke bydrae word baie hoog op prys gestel.

!! BAIE DANKIE !!



OMGEEBEDIENING

Doel: Om mense in ons gemeente wat in nood verkeer om welke rede ook al met liefde en deernis by te staan.

Dit gebeur dikwels dat die onverwagte gebeur: siekte, dood, krisis (inbraak, kaping ens.), finansiële terugslag, werksverlies of –nood. 'n Gemeente moet gerat en georganiseerd wees om mekaar hierin by te staan op een of meer van die volgende maniere:

- ◆ Besoeke om te bemoedig en by te staan
- ◆ Praktiese hulpverlening (maaltye, ens.)
- ◆ Mediese en ander soortgelyke hulp
- ◆ Finansiële bystand
- ◆ Ander praktiese dienslewering

Daar is ook ander vorms van nood soos: eensaamheid, bewegingsbeperkt-heid en verlies van allerlei aard. Die Here het aan sommige van ons spesifieke gawes en talente gegee wat ons kan aanwend om mense in nood by te staan.

VOLGENDE BYEENKOMS: Maandag 5 Oktober om 19:00 in die gemeentesentrum.

DANKIE EN WAARDERING

Johan, Davina, Dawie en tannie Jo sê baie dankie en het groot waardering vir al die telefoonoproepe, sms-boodskappe, e-posse en teenwoordigheid tydens die herinneringsdiens met die afsterwe van Johan se vader (oom Dave).

Dit word opreg waardeer en ons het baie sterk beleef dat Lyttelton-Oos 'n ware gesin van God is.

Aan Johan Smit 'n spesiale woord van dank vir die treffende boodskap uit Psalm 46:2 en die toepassing daarvan.

GRACE MANNA

Brood van Genade

“Ek was honger en julle het my iets gegee om te eet ...” (Matt 6:35)

Elke dag ly talle mense in ons omgewing honger. Ons sien hulle en wil graag help maar weet nie hoe nie. *Grace Manna* is ons gemeente se voedselprojek waardeur ons elke Dinsdag-, Woensdag- en Vrydagoggend aan ongeveer 70 mense iets gee om te eet. Hulle word ook terselfdertyd geestelike bedien deurdat daar vir hulle gebid word en die evangelie van God se genade en liefde hoor.

‘n Volgende fase is werkskepping. Sommige van die mense wat so bedien word, het vaardighede waarmee hulle werk kan kry. Ons wil hulle daarmee help. Ander kan weer verder opgelei word in tuinbou, verwerk, pleister— en messelwerk asook ander vaardighede.

Hoe kan ek help om hierdie projek van krag tot krag te laat gaan?

Bid, Gee, Dien

BID

Ons sal dit baie waardeur indien jy elke dag hierdie projek aan die Here kan opdra. Bid dat sy liefde op talle maniere getoon sal word en dat mense daardeur aangeraak sal word.

GEE

- ⇒ Skenk kos in die vorm van brood, eiers, koffie, tee, melk suiker.
- ⇒ Maak 5 liter roomysbakke vol sop en vries dit.
- ⇒ Vind borgskappe of gee kontant sodat kos aangekoop kan word.

DIEN

- ⇒ Berei kos by die huis voor (smeer brood, kook eiers ens.)
- ⇒ Help op Dinsdag-, Woensdag- en Donderdagoggende vanaf 06:30 om kos te bedien en / of vir die mense te bid.
- ⇒ Help met die opstel van ‘n databasis van vaardighede.

KONTAK: Retha Wessels 0827720955

NUWE BEDIENINGE

Elke lidmaat het gawes en talente van die Here ontvang. Hy wil graag hê dat ons dit sal gebruik om sy gemeente op te bou en die koninkryk uit te brei. Die ideaal is dat almal van ons op die een of ander manier hierby betrokke sal wees. Dit hoef nie noodwendig binne die gemeente te wees nie maar ook deur middel van ons daaglikse werk. Daar is egter baie ruimte om ons gawes en talente binne die gemeente te gebruik. *Ons sal van tyd tot tyd inligting oor die bediening van die gemeente hier deurgee sodat jy as lidmaat hiervan kan kennis neem en, indien die Here jou so lei, aanmeld vir diens.*

Daar is twee nuwe bediening wat ons graag van die grond af wil kry, naamlik, ‘n erediensbediening en ‘n omgeebediening (sien bladsy 5).

EREDIENSBEDIENING



Doel: Om God te eer en te verheerlik deur ons erediens so in te rig dat almal wat dit bywoon ‘n ontmoeting met die lewende God sal hê.

Om hierdie doel te bereik is dit nodig om almal en alles wat by die erediens betrokke is saam te snoer binne een bediening sodat beplanning en uitvoering glad en effektief kan geskied. Die volgende aspekte moet aandag geniet:

- ◆ Beplanning vir elke erediens volgens die kerklike jaar
- ◆ Beplanning vir spesiale boodskapreekse
- ◆ Klank en projeksie
- ◆ Sang en musiek
- ◆ Spesiale geleenthede, byvoorbeeld sangdienste, doop, nagmaal, belydenis-afligging ens.
- ◆ Blomme en ander dekor en versierings
- ◆ Simboliek (blomme, kerse, kruise, kanselklede, baniere ens.)

Hier is baie ruimte vir lidmate om met hulle talente en gawes betrokke te raak!

VOLGENDE BYEENKOMS: Maandag 5 Oktober 19:00 in die gemeentesentrum

Gemeentestruktuur

Die doel van die struktuur van die gemeente is om ons visie, *Dissipels wat vrugte dra tot eer van die Vader*, so effektief as moontlik uit te voer. Dit is daarop gemik om dissipels te maak wat baie vrugte dra en is derhalwe gebou rondom vyf kernprosesse. Elkeen van hierdie prosesse is gefokus op een aspek van die vorming van dissipels. Vir dissipels om gevorm te word moet daar vyf dinge gebeur:

- ◆ hulle moet gewerf word,
- ◆ hulle moet versorg word,
- ◆ hulle moet toegewyd gemaak word,
- ◆ hulle moet toegerus word vir dienswerk en
- ◆ hulle moet uitgestuur word om God se liefde uit te dra.

Om dit te doen is vyf prosesse ontwikkel wat deur onderskeie bedieninge van die gemeente ondersteun word: Die prosesse is:

- ◆ die *inkomproses* (wat mense deel maak van die gemeente),
 - ⇒ Die Alpha– kursus, gasvryheidsbediening, gesins– en kinderbediening, Oppokoffie, nuwe intrekkerbediening, Parknaval en ander evangelisasie projekte.
- ◆ die *versorgingsproses* (wat mense wat deel is van die gemeente versorg),
 - ⇒ Die omgeebediening (hospitaal– en siekebesoek, traumabediening, berading—o.a. telefoon en e-pos), gebedsnetwerk, helpmekaarbediening, begrafnisbediening, Klub Immergroen en ander soortgelyke bedieninge)
- ◆ die *toewydingsproses* (wat lidmate help om naby aan die Here te leef),
 - ⇒ Beplanning van eredienste (sang en musiek, klank en projeksie, blomme en simboliek, spesiale sangdienste ens.), bidure en Bybelstudiegroepe, gebedsbediening
- ◆ die *toerustingproses* (wat toegewyde lidmate help om hulle potensiaal te ontdek),
 - ⇒ Ontdek jou Potensiaal werkwinkel en leierskapontwikkelingsprogram
- ◆ die *uitstuurproses* (wat toegeruste lidmate uitstuur om vrugte te gaan dra en 'n verskil te gaan maak in hulle wêreld.)
 - ⇒ Voedselprojek (Grace Manna), Bybelverspreiding, Aksie Arbeiders vir die Oes (Kruiswegkoffiekring, Straatkinderrehabilitasiesentrum, Matlala uitreike)

Hierdie prosesse word gekoördineer deur die *Bedieningspan*, en ondersteun deur vyf taakgroepe: Taakgroep vir Eiendom, Taakgroep vir Finansies, Taakgroep vir Administrasie, Taakgroep vir Kommunikasie en die Taakgroep vir Personeel (wat op hulle beurt weer deur die *Bedryfspan* gekoördineer word).

Die Bedieningspan en die Bedryfspan word bestuur deur die Bestuurspan. Die Bedieningspan vergader elke tweede Maandagaand en die Bedryfspan en die Bestuurspan om die beurt die ander Maandagaande.



TUINBOUPROJEK

Help om ons gemeente se tuin iets van die Here se liefde en heerlijkheid te laat uitstraal.

Raak betrokke deur:

- ⇒ Jou hulp en vaardighede beskikbaar te stel.
- ⇒ 'n Tuinwerker teen R100 per dag te borg
- ⇒ Jou kundigheid aan te bied

Ons wil graag onder andere 'n stilwordplek skep asook 'n muur van herinnering.

Ons eerste werksessie is eerskomende Woensdag 7 Oktober vanaf 08:00. Kontak Gerda Odendaal (0828599340) of Helét van der Walt (0835560532).

BEDIENINGSPAN

**Volgende vergadering: Maandagaand 5 Oktober 19:00
in die saal**

BEDRYFSPAN

**Volgende vergadering: Woensdagaand 14 Oktober 19:00
in die saal**

As deel van die Parknaval bied ons gemeente 'n vertoning aan in die Centurion Teater deur

MATTHYS ROETS

Op Vrydag 20 November

Kaartjies teen R120.00 per persoon is verkrygbaar by

Kobus Badenhorst sell no 083 235 1084.

Besonderhede oor 'n kaas en wyn geleentheid na die vertoning sal binnekort volg.

Gemeente-struktuur soos goedgekeur tydens die jongste kerkraadsvergadering

